

նի որ, նորը դուրս գալուց յետոյ, նա ինքն իրան կը թառամի եւ ցած կը թափոյ:

– Նրա համար պետք է շտապել, որ հինը կտրելով, նորը աւելի շուտ է աճում:

Նրանց վիճաբանութիւնը ընդհատուեցաւ: Լսելի եղաւ դռան ձայնը:

– Անպատճառ տէր հայրը կը լինի, – ասաց վարժապետը: – Նա սովորութիւն ունի ամէն առաւօտ, ժամից դուրս գալուց յետոյ իմ սենեակը մտնել եւ սուրճ խմել:

Նա գնաց դուռը բաց անելու: Այդ միջոցին Ասլանը հաւաքեց գրասեղանի վրայ թափոած թղթերը եւ կողպեց արկղիկի մէջ: Եւ իրաւ, ներս մտաւ տէր հայրը, ռեսին իր հետ բերելով: «բարի ողջոյնէ եւ «Ողորմեայ աստուած» ասելով, նրանք նստեցին վարժապետի մահճակալի վրայ: Հարցնում էին, թէ ինչպէ՞ս անցկացրեց պարոն բժշկապետը գիշերը, արդեօք հանգի՞ստ էր, լաւ՞ քնեց, թէ անհանգիստ եղաւ: Ասլանը յայտնեց իր շնորհակալութիւնը: Յետոյ սկսեցին խօսել այն բանի վրայ, թէ եկեղեցում այս առաւօտ՝ այսինչ տիրացուն՝ այնինչ շարականը շատ լաւ երգեց, թէ նրա ձայնը օրըստօրէ ախորժելի է դառնում եւ, ընդհակառակն, միւս տիրացոյի ձայնը փչանում է, երեւի, շատ խմելուցն է, եւ վերջ ի վերջոյ այն եգրակացութեանը հասան, որ նրան պետք է արգելել, որ չխմէ:

Վարժապետը ոչ ծառայ ուներ եւ ոչ՝ աղախին. նա ինքն էր մաքրում իր սենեակները, ինքն էր պատրաստում իր կերակուրը, ինքն էւս սկսեց թէ իր հիւրերի եւ թէ մեզ համար սուրճ պատրաստել: Ծառայ չպահելը բացատրում էին նրա չափազանց համեստ եւ անփափկասէր կացութեամբ: Գուցէ գլխաւոր պատճառն այն էր, որ նա չէր ցանկանում իր մօտ երկրորդ աչքեր ունենալ: Նրան երբեմն օգնում էր եկեղեցու ծերունի ժամկոչը, որ երկոյ ականջներից էւս խուլ էր, եւ աչքերը վատ էին տեսնում: Այս առաւօտ նա ջայտնուեցաւ, որովհետեւ եկեղեցում իր գործը դեռ չէր վերջացրել: Միեւնոյն սենեակի վառարանի մէջ կրակ կար: Այնտեղ վաղուց արդէն եփ էր գալիս սուրճը. մի այլ ամանում տաքացրած էր կաթը: Երբ նա լիքը բաժակները դրեց մեր առջեւ, յետոյ բաց արեց իր սենեակի պահարաններից մէկը, այնտեղից դուրս բերեց սպիտակ հաց, սեր եւ կարագ նախաճաշիկի համար: Սերը եւ կարագը ընծայել էին նրան հովիւները, որոնց մօտ էր գնացել նախընթաց օրը, բայց տէր հայրը արգելեց այդ վերջինները սեղանի վրայ դնել, ասելով: